

	<p>TAUMATA 5 MANAWATOA</p>	<p>TAUMATA 4 MANAWATĪTĪ</p>	<p>TAUMATA 3 KAINGĀKAUNUI</p>	<p>TAUMATA 2 Ū TE MANAWA</p>	<p>TAUMATA 1 KIRI NGUTU</p>
<p><b>MANA MOKOPUNA</b></p> <p><i>Ko te mokopuna te pūtake o te mātauranga</i></p>	<p>Tū rangatira ai te mokopuna i tōna iwitanga, i tōna hapūtanga me te whakahāngai ki te mana whenua, hei mana whenua hoki.</p> <p>Tū mana motuhake ai ngā mokopuna.</p>	<p>Whakapono ana te mokopuna ki tōna iwitanga, ki tōna hapūtanga me te whakahāngai ki te mana whenua, hei mana whenua hoki, e noho māori nei ki roto i a ia.</p> <p>Ka tōia mai e ngā mokopuna tana iwitanga kia whai mana motuhake ai i tōna whakawhanaketanga.</p>	<p>Ka taea e te mokopuna tōna iwitanga te whakamārama me te whakahāngai ki te mana whenua hei mana whenua hoki, engari kāhore anō kia noho māori ki roto i a ia.</p> <p>E mātau ana ngā mokopuna ki te mātauranga ā-iwi hei mātauranga motuhake.</p>	<p>Kua whai māramatanga te mokopuna ki tōna iwitanga me te whakahāngai ki te mana whenua hei mana whenua anō hoki.</p> <p>Kua tīmata ake tana whakamārama i te mātauranga ā-iwi hei mātauranga motuhake.</p>	<p>Kei te mōhiotia e te mokopuna he uri Māori ia engari e rangirua ana ki tōna ake iwitanga.</p> <p>Tē taea e te mokopuna te mātauranga ā-iwi te whakamārama.</p>
<p><b>MANA TANGATA</b></p> <p><i>He toi whakairo, he mana tangata</i></p>	<p>Ka manaakihia e te kura tōna hononga whai huanga, tōna hononga whakauka me te mana whenua.</p> <p>Ka aro ngātahi ai te kura me ōna whātoronga ki te mana whenua, ā, ka whakamanahia hei oranga wairua, hei oranga tangata e eke ai a mokopuna mā ki te taumata tiketike o te mātauranga.</p> <p>He pūnahanaha kounga e whai wāhi ai a rāwaho mā ki te whakawhanake tahi i te mana whenua ki rō kura.</p>	<p>Ka manaakihia e te kura tōna hononga whai huanga me te mana whenua, ā, e mārama ana tēnā me tēnā i tōna ake tūranga.</p> <p>E mōhio mārika ana ko wai te mana whenua; ko tōna āhua motuhake, ko tōna reo me ōna kōrero ka arohia matuahia kia puta ai ngā hua ki ngā mokopuna.</p> <p>I tua atu i ngā whakaritenga whakatau tangata, he pūnahanaha kounga e noho mauritau ai a rāwaho mā i tōna whātoronga ki te ao o te mana whenua.</p>	<p>He hononga whai take, whai tikanga hoki a te kura ki te mana whenua, ā, kei te puta ngā hua ki ngā mokopuna ahakoa ngā wero.</p> <p>He mea whakaaengia e te whānau whānui o te kura ko wai te mana whenua, ā, e kite ana i te kaupapa motuhake o te kura, e tautokona e te iwi.</p> <p>Ka whakatauhia ngā pouako hou, ngā ākongā me ngā whānau, otirā ngā rāwaho kia mārama ai ki te kaupapa motuhake, arā, te mana whenua o te kura.</p>	<p>Kua whakatipuria he hononga whai tikanga me te mana whenua ahakoa rā he take pea e uaua ai, e roa rānei ai te whakatau.</p> <p>Ahakoa e noho wāhi rua ana ko wai te mana whenua o te kura, kei te whakawhiti kōrero i roto i te wairua ngākaunui e whakatau ai ko te mana whenua kia whai oranga ai ngā mokopuna.</p> <p>He kaupapa whakatau i ngā pouako hou, i ngā ākongā me ngā whānau, otirā ngā rāwaho, heoi anō me whakakaha tonu ka tika.</p>	<p>Ko te hononga ki te mana whenua he mea taumaha, ā, ka pā kino atu tēnei āhuatanga ki ngā mahi whakahaere kura, ki ngā pouako me ngā mokopuna hoki.</p> <p>E noho rangirua ana, e tōtara wāhi rua ana rānei ko wai te mana whenua o te kura, ā, ka pā kino atu tēnei āhuatanga ki ngā mokopuna.</p> <p>Kāre ōna kaupapa whakatau (he kore take rānei) i ngā pouako hou, i ngā ākongā me ngā whānau, otirā ngā rāwaho ki te kura.</p>
<p><b>MANA WAIRUA</b></p> <p><i>He puna wairua, he puna tangata</i></p>	<p>Ka manaakihia, ka tiakina ngā hononga ā-iwi o ngā mokopuna, o ngā kaimahi katoa ka mutu, ka whakauruhia katoahia puta noa i te kura.</p> <p>E mōhio mārika ana te katoa ko wai te mana whenua i te āhua tonu o te kura, ā, e taea ana e te katoa ngā kōrero mana whenua te whakamārama.</p>	<p>Ka manaakihia ngā hononga ā-iwi o ngā mokopuna, o ngā poumahi katoa.</p> <p>Ka āta whakaaturia ngā tohu matua o te mana whenua puta noa i te kura, e noho mārama ai ko wai te mana whenua, ā, e taea ana e te katoa ēnei kōrero te whakamārama.</p>	<p>Ka manaakihia, ka tautokona ngā hononga ā-iwi a ngā mokopuna, a ngā poumahi puta noa i te kura.</p> <p>Kei te kitea ētahi tohu matua o te mana whenua, ā, he kaupapa e mahi tahi ai me te mana whenua kia kitea tōna mana motuhake i te kura.</p>	<p>Kei te mōhiotia ngā hononga ā-iwi a ngā mokopuna, ā, ngā poumahi hoki, engari kāre e whai whakaaro nuihia ai.</p> <p>E mōhiotia ana he kaupapa nui tonu te whakahāngai i te taiao kia rangona ai te hā o te mana whenua, heoi anō kei ngā ngutu tonu ngā kōrero.</p>	<p>Kāre e kaha manaakihia ana ngā hononga ā-iwi a ngā mokopuna, ka parea ki rāhaki.</p> <p>Kāre e aronuitia ana e te kura te whakamana ā-taiao i te mana whenua, nā reira tē rongo i te hā o te mana whenua, kāre rānei i te tiakina.</p>

<p><b>MANA MĀTAURANGA</b></p> <p><i>Ko te waka mātauranga, he waka eke noa</i></p>	<p>Ka noho tūāpapa ngā kōrero mana whenua me ōna kōingo nui i te marau ā-kura/ā-iwi, i ngā wheako, puta noa hoki i te kura.</p> <p>Ka whakamanahia te mana whenua (ka utua tōna tohungatanga) hei hunga whakaako, hei kaiwhāngai i te marau ā-iwi.</p> <p>Kei te whakawhanake ngātahi ai a pouako, a pouārahi, a mokopuna, a mana whenua i te mātauranga ā-mana whenua.</p> <p>Hihiri ana te kuhu a ngā pouārahi me ngā poumahi ki ngā kaupapa whai hua a te hapori whānui.</p>	<p>Ka āta whakamāramahia, ka kitea whānuihia te mana whenua i ngā tuhinga matua katoa, ā, ka pūmau te noho ki rō marau ā-kura/ā-iwi puta noa hoki i ngā mahi whakaako o te kura whānui.</p> <p>E kaha haere ana te whakaako a te mana whenua i te marau ā-kura/ā-iwi.</p> <p>E āhei ana a pouako, a pouārahi, a mokopuna ki te āta whakamārama i ngā mahi akoako i roto i te horopaki o te mana whenua.</p> <p>He kanohi kitea ngā pouārahi me ngā poumahi i ngā kaupapa a te hapori.</p>	<p>Ka āta whakamāramahia te mana whenua o te kura ki rō kawenata me ngā tuhinga matua, ā, ka whakaurua ki te marau ā-kura/ā-iwi.</p> <p>Kua tīmata te kuhukuhu mai a te mana whenua ki rō mahi whakaako i te marau ā-kura/ā-iwi.</p> <p>Ka whakahāngaihia ngā mahi akoako ki te mana whenua me te iwitanga e ngā pouako, e ngā pouārahi me ngā mokopuna.</p> <p>E mōhiotia ana e te katoa me kite ā-kanohi te kura i ngā kaupapa matua o te hapori, engari kāhore anō kia whakatinanahia, e puta ai ngā hua ki te hapori.</p>	<p>Ka whakamāramahia te kaupapa motuhake, arā, te mana whenua, ki rō kawenata me ngā tuhinga matua.</p> <p>Ka whakapapahia ngā hōtaka whakaako ki te mana whenua.</p> <p>E taea ana e ngā pouako, e ngā pouārahi, e ētahi mokopuna ngā kaupapa ako te whakahāngai ki te mana whenua me te iwitanga ahakoa rā ngā whāwhārua.</p> <p>Ka whakakanohitia te kura i te nuinga o ngā hui matua ā-hapori, engari ka kawea e te tangata ōrite, e te hunga ōrite rānei. Tē kite te katoa, e tika ana kia kawea e te katoa.</p>	<p>E kiringutu noa ana te noho o te tuakiri mana whenua, ōna whakapono me tōna mātauranga hoki ki rō kawenata, ki rō tuhinga matua, ki rō hōtaka whakaako hoki.</p> <p>Kāre e arohia ana ngā kōrero mana whenua ki rō hōtaka whakaako.</p> <p>Kāre e taea ana e ngā pouako, e ngā pouārahi, e ētahi mokopuna ngā mahi ako te whakahāngai ki te mana whenua ki te iwitanga rānei, ā, he nui ngā whāwhārua.</p> <p>He uaua te kite i ngā pouārahi, i ngā poumahi e kuhu hihiri ana ki ngā hui hapori hei kanohi mō te kura.</p>
<p><b>MANA TIKANGA</b></p> <p><i>He tangata i ākona ki te whare, tūnga ki te marae tau ana</i></p>	<p>He rite tahi te aronga o te mana whakahaere kura ki tō te kura whakapono, he kaiwhakakaha, he kaihāpai i te mana whenua. Ka mātua mōhio te kura kāre i kō atu i te mana whenua hei puna mātauranga matua, hei kaitohutohu, hei kaiarataki, kia whakawhanake tika ai, kia ahu whakamua. Mā te whakatōpū i te tohungatanga o te kura me te mana whenua e puta ai ngā hua e ekea ngā taumata tiketike.</p> <p>He rautaki matua tēnei te whakangungu whakatupuranga hei mana whakahaere i te kura.</p>	<p>E mau pūmau ana te mana whenua ki runga Poumarumaruru. Ka noho mana, ka whai niho rātou nā te pono o te hiahia kia whakakaha ake i te kura me te mana whenua.</p> <p>Koia ko te whanaungatanga, ko te poipoi me ētahi atu rautaki hei whakangūngū i ngā pūkenga o ngā mema Poumarumaruru tae atu ki ngā whakatupuranga o te mana whenua kia whakakapi i ngā tapuwae ā tōna wā.</p>	<p>E pūmau ana te noho a te mana whenua ki runga Poumarumaruru, e whai wāhi ana ki roto i ngā whakahaere, nā rātou anō ā rātou ake tikanga i whai ake, kia whiriwhiria mā wai, me pēhea anō hoki – e whakamanahia ana hei mana whenua.</p> <p>Ka āta whakatoko ake te kura i te mana whenua ki roto i te whakahaere o te kura – ka puta ngā hua ki a rāua tahi.</p>	<p>Ka mātua mōhio te kura māna anō e whakapūmau te noho o te hunga whakakanohi i te mana whenua ki runga Poumarumaruru ā-pōti, ā-tono rānei.</p> <p>Kei te whakawhanake tonu i te wāhi ki te mana whenua ki rō whakaritenga, ki rō mahi whakahaere kura.</p>	<p>Kāre e whai whakaaro nuihia ana e te kura a mana whenua hei mema Poumarumaruru, hei kaitono rānei.</p> <p>Kāre e whakamanahia ana e te kura ngā māngai Poumarumaruru o te mana whenua ki roto i ngā whakahaere o te kura.</p>

